

«ՎՐԱՍՏԱՆԸ» 100 ՏԱՐԵԿԱՆ Է

Ձոն՝ նվիրված «Վրաստան» թերթի 100-ամյակին

ՀԱՋՈՂՈՒԹՅԱՆ ԽՈՐՀՐԴԱՆԻՇ



Թբիլիսի քաղաքում մի ամբողջ կա, խմբագրություն ենք անվանում նրան, Մարդիկ աշխատում են այստեղ մեծ վերելքով, Հարթում են մեր վաղվա ուղին եւ ապագան:

Ուրախ են ընթերցողները հայոց աշխարհի, Հարյուրամյակ ենք նշում վիթխարի, Փառավոր ուղի անցած մեր թերթի, «Վրաստան» անունն է կրում հիրավի:

Խմբագրի փառքն է այստեղ թեւածում, Մարդկանց շուրթերին ամենուր, Հարգում են, սիրում, մեծարում նրան, Բանգի արժանի է նա այդ հարգանքին:

Պարտավորեցնող է ամյակը, գիտենք, Պատվով կրենք այն միասին, Եվ միշտ հիշենք թերթի անցած ուղին, Որպես հաջողության ու հարատեւության խորհրդանիշ:

ՍՏԵՓԱՆ ՊԱՊԻԿՅԱՆ

Հայկական էներգետիկական ակադեմիայի հիմնադիր նախագահ, «Էներգիա եւ էկոլոգիա» պարբերականի գլխավոր խմբագիր երեկան

ԱՆՍՊԱՐԵԿԻ ԲՈԼՈՐ «ՎՐԱՍՏԱՆՑԻՆԵՐԻՆ»

Մեծարգո պարոն Բայրուրյան.

Ախալցխիսի շրջանի Մեծ Պամաճ գյուղի դպրոցի աշխատակազմի եւ գյուղի բնակչության անունից շնորհավորում են «Վրաստան» թերթի 100-ամյակի առթիվ: Թերթ, որը ազգանվեր ու հայրենամեկեր գործունեությամբ արդեն 100 տարի օժանդակում է, օգնում մեր հայրենակիցներին՝ լիարժեք ընդգրկվելու Վրաստանի ուժեղացմանը, առաջընթացին ու բարգավաճմանն ուղղված գործում:

Այս գործում Ձեր դերը՝ որպես գլխավոր խմբագրի, անգնահատելի է: Ձեր եւ մեր հարազատ «Վրաստանին» հաջողություն ու անկուն կամք, այսուհետ նաեւ անսպառ եռանդ շարունակելու համար այս պատասխանատու ու պատվարժան գործը:


ՀԱԿՈԲ ՊՈՋՈՅԱՆ

Ախալցխիսի մունիցիպալիտետի Մեծ Պամաճի համրային դպրոցի տնօրեն



ԵՐԹԴԻ ԼՈՒՐՋ ՈՒ ԳԻՏԱԿԻՑ

45 տարի է թղթակցում եմ հալեզու «Վրաստան» թերթին: Պարբերականը ինձ համար դարձել է հարազատ ու մտերիմ, հուսալի տեղեկատվական աղբյուր ու խորհրդական:



Սիրելի «Վրաստան» դու արդեն մեկդարյա կյանք ունես, բայց միշտ թարմ ես ու ջահել: Շնորհավորում են 100-ամյա հոբելյանը: Հարյուր տարի ապրել ես լուրջ ու գիտակցարար, հանց անհատակ ծովը խորն ու զուլալ: Շնորհավորանքներ են հղում «Վրաստան» թերթի խմբագիր՝ Վան Բայրուրյանին եւ նրա գլխավորած աշխատակազմին ու ընթերցողներին:

ՀՈՎՀԱՆԵՍ ՄԱՐԻԿՅԱՆ

Բանաստեղծ, արձակագիր, Վրաստանի հայ գրողների «Վերնատուն» միության անդամ

ՀՊԱՐՏ ԵՄ, ԻՄ ՆԵՐՈՂԱԾ ՓՈՔՐԻԿ ԼՈՒՄԱՅՈՎ



Նախկինում թերթ ստանալը խնդիր չէր երկրի եւ ոչ մի անկյունում: Ցավոք, անցումային շրջանում հենց առաքման դժվարությունների պատճառով քանի՜ քանի թերթ ու ամսագիր փակվեց ու հենց վրացական: Բայց հայաստան «Վրաստանը» շարունակեց ապրել: Ապրել ոչ միայն իր բովանդակային կարեւորու-

թյան, այլեւ տարբեր մասնագիտության տեր անհատ նվիրյալների շնորհիվ, այդ թվում՝ հայ, վրացի... ովքեր օգնեցին թերթին տարածվել ու հասնել երկրի տարբեր անկյուններ: Ես հիմա հպարտ եմ, որ իմ փոքրիկ լուման եմ ներդրել այդ կարեւոր գործում: Ախալցխեցի փոքրիկ խանութ ունեմ: Արդեն տասից ավելի տարիներ ամեն շաբաթ «Վրաստանն» ինձ եմ բերում, հետո հայաբնակ գյուղերից գալիս ու տանում են իրենց կապոցները:

Ցավոք, ես հայերեն չեմ կարդում:

Տեղի ռուսական դպրոցն եմ ավարտել: Բայց դա չի խանգարում սիրել ու օգնել թերթին: Ասում են՝ կյանքում ամեն ինչ սկիզբ ու ավարտ ունի, բայց այս պարագայում ավարտը մեր ձեռքում է: Եթե չպահենք, կկորցնենք:

Սիրով շնորհավորում եմ թերթի հարյուրամյա հոբելյանը եւ մեծ պատրաստակամություն հայտնում նրան աջակցելու գործում:

ԼԵՎՈՆ ՄԱՐԿՈՍՅԱՆ

Ք.Ախալցխիս

ՄԵՐ ՀԱՐԱՋԱՏ

«ՎՐԱՍՏԱՆԸ» ՀՈՐԵԼՅԱՐ Է

(Սկիզբը՝ 1-ին էջում)

Մեծ դերակատարություն ունի դարերով եկած հայ-վրացական եղբայրական հարաբերություններում: Ամուր կապերով է կապված մայր Հայաստանի պետական եւ հասարակական կյանքին:

Երթդ անխափան ու բարի, մեր սիրելի «Վրաստան»: Բարեմաղթանքներով՝

ՅՈՒՐԻ ԽՉՈՅԱՆ

Ծալկայի մունիցիպալիտետի մերիայի առողջապահության սպասարկման, կուլտուրայի եւ սպորտի բաժնի պետ

(Սկիզբը՝ 1-ին էջում)

Եվ ահա, այդ օրվանից թերթը դարձավ մեր բազմադարյան գերդաստանի ամենօրյա ցանկալի հյուրը: Նշեմ նաեւ, որ մենք (ես եւ երկու եղբայրներս ունեինք երեքական զավակ), ծնողներիս հետ միասին, բնակվում էինք միեւնույն բակում:

Թերթն ընթերցում էինք մեծ հետաքրքրությամբ: Հրապարակված նյութերի քննարկման «հեղինակը» հայրս էր: Կարդում էինք, մեկնաբանում, երբեմն էլ՝ վիճաբանում: Եվ այսպես տարիներ շարունակ: Մեծ բավականությամբ պետք է փաստենք, որ մեր բոլոր 9 զավակներն էլ ավարտել են հայկական դպրոցներ, եւ նրանք հետագայում պահպանել են թերթի նկատմամբ ընտանիքում ձեւավորված հարգալից վերաբերմունքը: Համոզված եմ, որ մեր համրապետությունում նման ընտանիքներ բազմաթիվ են:

Խոսելով «Վրաստանի» անցած մեկդարյա ուղու մասին, հարկ է նշել, միշտ չէ, որ թերթի ամենօրյա գործունեությունը հարթ է ընթացել: Բավական է հիշենք անցյալ դարի 90-ական թվականների ծանր, դժվարին տարիներ-

«ՎՐԱՍՏԱՆԸ» ՄԵՐ ԸՆՏԱՆԻՔԻ ՎԱՂԵՄԻ ԲԱՐԵԿԱՄՆ Է

րը, երբ խմբագրությունն աշխատում էր ուժերի գերաբազմությամբ, ստիպված էր հաղթահարել առկա բազմաթիվ սոցիալ-տնտեսական եւ ֆինանսական հիմնախնդիրներ եւ որին շատերս ենք եղել ակամատներ: Սակայն ի պատիվ խմբագրակազմի տոկուն կամքի, թերթը, շարունակել է իր պատմական առաքելությունը: Եվ այդ պատասխանատու եւ պատվաբեր գործում իր վճռական, անուրանալի եւ ծանրակշիռ ավանդն է ներդրել վիրահայ հասարակության (եւ ոչ միայն վիրահայ) կողմից բարձր հեղինակություն եւ հարգանք վայելող, բարձրակարգ լրագրող, բազմափորձ, եռանդուն, նաեւ քաղաքական գործիչ, թերթի վերջին տասնամյակների անփոփոխ խմբագիր Վան Բայրուրյանը: Ընդգծենք նաեւ, որ նրա գործունեության հենց սկզբից «Վրաստան»-ը նոր թափ ու լիցք ստացավ թե՛ բովանդակային եւ թե՛ ձեւավորման առումով:

Եվ ահա տասնամյակներ շարունակ, պահպանելով անցյալի արժեքավոր ավանդույթները, մեր հարազատ պարբերականը, լինելով միակ համավրաստանյան հա-

լալեզու թերթը, հավատարմորեն է ծառայում վիրահայերիս առօրյա կյանքի, առկա հիմնախնդիրների եւ ակնկալիքների լուսաբանմանը:

Առանձին հավանության է արժանի խմբագրության ցուցաբերած շարունակական ուշադրությունը, ներդրած ավանդը հայ եւ վրաց ժողովուրդների միջեւ դարերի խորքից եկող ու ավանդական բնույթ կրող, Վրաստան-Հայաստան միջպետական բարեկամական, եղբայրական հարաբերությունների ամրապնդման գործում:

Երախտագիտությամբ պետք է ընդգծել նաեւ թերթի ցուցաբերած մշտական ուշադրությունն ու հոգատարությունը մեր համրապետության հայկական կրթամշակութային հաստատությունների հետաքրքիր, ուշագրավ միջոցառումների լուսաբանման գործում:

Թանկագին բարեկամներ, թույլ տվեք այս հոբելյանական տարում մաղթել ձեզ քաջառողջություն, տոկունություն, մեծ եռանդ, ստեղծագործական հաջողություններ եւ երջանկություն:

ՆՈՐԱՅՐ ԲԱՂՂԱՍՏՐՅԱՆ

Վրաստանի կրթության եւ գիտության նախարարության վաստակավոր գործիչ

ԳՈՐԾԱԴԻՐ

ԻՇԽԱՆՈՒԹՅՈՒՆՆԵՐԸ ՄԵՂՄԱՅՐԻՆ ԱՌԵՎՏՐԱԿԱՆ ԿԵՆՏՐՈՆՆԵՐԻ ՍԱՀՄԱՆԱՓԱԿՈՒՄՆԵՐԸ

Վրաստանի իշխանությունները հազուստի խանութներին թույլ տվեցին մեղմացնել ապրանքների վերադարձման կարգը, բացել չափափորձման սենյակները եւ ավելացնել թույլատրելի գնորդների թիվը:

Այդ մասին հայտարարվեց առեւտրական կենտրոնների ներկայացուցիչների եւ կառավարության տնտեսական թիմի ու համավարակաբանների հանդիպման ավարտին: Կառավարության գրասենյակում կայացած հանդիպմանը կողմերը մի քանի ժամվա ընթացքում փորձում էին համաձայնեցնել բիզնես հատվածի աշխատանքին առնչվող հարցը, փետրվարի 1-ին վերացրած սահմանափակումները պայմաններում:

- Քննարկման գլխավոր թեման այդ ցանցի աշխատանքն էր, որպեսզի կամիվի վարակի արագ տարածումը: Հանդիպմանը նշեցին նախաամառային մեկշաբաթյա ժամանակահատվածը, երբ առեւտրի ցանցում հստակ հետեւում էին բոլոր հանձնարարականներին: Մեր խնդիրն է

սահմանափակումների մեղմացման ներկայիս փուլն անցնել այնպես, որ վարակի բռնկում չգրանցվի:

Մենք պայմանավորվեցինք, որ հնարավոր է մեղմացվեն առանձին սահմանափակումներ: Օրինակ, նախաամառային ժամանակահատվածում արգելվել էր ապրանքի վերադարձումը, իսկ փետրվարի 1-ից հետո հնարավոր դարձավ: Նաեւ մեղմացում է ծրագրվել չափաձեւման սենյակների եւ մեկ քառակուսի մետր տարածքում հաճախորդների թվի հարցում,- հայտարարեց փոխվարչապետ, ենթակառույցների նախարար Մայա Ցքիտիշվիլին:

Ինչպես հաղորդել ենք, Վրաստանի իշխանությունները հայտարարել էին, որ մունիցիպալային տրանսպորտի եւ տնտեսական առանձին ոլորտների աշխա-

տանքի վերականգնումը հնարավոր կլինի միայն նրանից հետո, երբ զանգվածային թեստավորման արդյունքում վարակման ցուցանիշը կլինի 4 տոկոսից պակաս: Միաժամանակ, կառավարությունը հրաժարվեց բավարարել գործարարների գլխավոր պահանջներից մեկը: Հասարակական տրանսպորտի աշխատանքի վերականգնման հետ միասին, նրանք պահանջում էին պարետային ժամը երեկոյան 21:00-ից տեղափոխել ժամը 22:00-ն, ինչպես նաեւ առեւտրի օբյեկտներին թույլ տան աշխատել շաբաթ եւ կիրակի օրերին: Վրաստանի փոխվարչապետ Մայա Ցքիտիշվիլին գործարարների վերոնշյալ պահանջը համարեց վաղաժամ:

- Նրանք ցանկանում են, որպեսզի ամեն ինչ միանգամից բացվի, փուլային եւ զգույշ



քայլերը երաշխիքն են նրա, որ մեկ ամիս անց, մենք ստիպված չլինենք փակել որեւէ ոլորտ, լինի դա առեւտրի կենտրոն, խանութ, թե շուկա: Ճիշտ չէ անմիջապես վերադառնալ նախավարակային ժամանակահատվածի մեր ապրելակերպին, առավել եւս, երբ համավարակը դեռեւս լրիվությամբ չի հաղթահարվել,- ընդգծեց Մայա Ցքիտիշվիլին:

COVID - 19

ՍԱՀՄԱՆԱՓԱԿՈՒՄՆԵՐԻ ՄԵՐՄԱՑՄԱՆ ԶՈՒԳԸՆԹԱՑ, ԶԱՆՁՆԱՐԱՐԱԿԱՆՆԵՐԻ ՎԵՐԱՀԱՅՈՒՄՈՒԹՅՈՒՆ ԽԱՏԱՑՎՈՒՄ Է

(Սկիզբը՝ 3-րդ էջում)

Հանդիպմանն ընդգծվեց, որ կարելու է, սահմանափակումները մեղմելու համար, ձեռնարկված յուրաքանչյուր քայլ լինի շատ զգույշ, որպեսզի այն բացասաբար չհանդրադառնա համավարակի իրավիճակի վրա եւ անհրաժեշտ չլինի կրկին հաստատել վերացված սահմանափակումները: Կրկին հատուկ ուշադրություն է դարձվել դիմակ

կրելու անհրաժեշտությանը: Ինչպես հայտնի է, դիմակ կրելու օրենքը խախտելու դիմաց, պատժամիջոցը խստացվում է, իսկ երկրորդ խախտման դեպքում տուգանքն ավելանում է:

Նիստում քննարկվեցին պատվաստումների ծրագրի նախապատրաստական աշխատանքները: Ինչպես հայտնի է, ընտրվել են բժշկական հաստատություններ, իրականացվում է անձնակազմի վերապատրաս-

տում: Վրաստանը մինչեւ փետրվարի վերջը ստանալու է «Pfizer» պատվաստանյութի առաջին չափաբաժինը եւ համաձայն ազգային ծրագրի, պատվաստումը կսկսվի բժշկական անձնակազմից եւ առաջին փուլում պատվաստումները կիրականացվեն միայն հիվանդանոցային հատվածում: Միաժամանակ, շարունակվում են պատվաստանյութի հաջորդ չափաբաժինների երկիր ներկրելու ինտենսիվ

աշխատանքները: Դրա հիմնական նախապայմանը Առողջապահության համաշխարհային կազմակերպության թույլտվությունն է եւ պատվաստանյութի միջազգային ճանաչումը: Ազգային ծրագրի համաձայն, պատվաստումների անցկացման թիրախային նշանակետը մինչեւ 2021 թվականի ավարտը բնակչության 60 տոկոսի պատվաստումն է: Պատվաստումները կամավոր են:

ՆԱԹԻԱ ԹՈՒՐՆԱԿԱ. «ՊԱՐԵՏԱՅԻՆ ԺԱՄԻ ՎԵՐԱՅՄԱՆ ՄԱՍԻՆ ՔՆՆԱՐԿՈՒՄՆԵՐ ԱՌԱՅԺՄ ԶԵՆ ԸՆԹԱՆՈՒՄ»

Միջգերատեսչական համակարգող խորհրդի միատի ավարտին, Վրաստանի էկոնոմիկայի եւ կայուն զարգացման նախարար Նաթիա Թուրնալան հայտարարեց, որ գիշերային ժամերին տեղաշարժի արգելքի վերացման մասին քննարկումներ չեն ընթացել:

Նախարարի խոսքով, գիշերային ժամերին տեղաշարժման սահմանափակումը մեղմացնելու կամ վերացնելու վերաբերյալ քննարկումներին, պետք է նախորդի մեծ վերլուծություն, քանի որ մենք չենք կարող ամեն ինչ միանգամից մեղմել, այդ մասին քննարկումներ դեռ չեն եղել:

- Ամենակարևոր միջոցառումներից մեկը, որը, խորհրդի որոշմամբ, իրականացրեցինք անցած տարվա նոյեմբերին, գիշերային ժամերին տեղաշարժի արգելքն էր: Սա պարետային ժամ չէ, քանի որ ավելի խիստ բնույթ ունի: Հենց այս որոշման, այս սահմանափակման շնորհիվ է, որ մենք այսօր կարող

ենք խոսել մեղմացման մասին եւ միանշանակ ասել, որ, ինչպես այլ երկրներում, մեզ մոտ նույնպես, հենց սահմանափակման այս միջոցը տվեց իր դրական արդյունքը: Ուստի, նրա մեղմացման կամ վերացման քննարկմանը պետք է նախորդի իսկայական վերլուծություն, քանի որ մենք չենք կարող ամեն ինչ միասին մեղմել: Այս մասին դեռ քննարկում չկա, մենք քննարկում ենք հետագա քայլերը, կան դեռ բիզնեսի ոլորտներ, որտեղ մենք չենք թուլացրել մոտեցումը եւ դեռ չենք կարող բացել մանկապարտեզները, ֆիթնես արդյունաբերությունն ու մարզական հաստատությունները: Մենք, առա-



ջին հերթին, քննարկելու ենք այս ոլորտները, ինչպես նաեւ միջբաղադրյալ տրանսպորտի հարցը, իսկ գիշերային ժամերին տեղաշարժի հարցը, հավանաբար, կքննարկենք ավելի ուշ: Մի՛ շտապեք, քանի որ մեկ անգույշ քայլը հետագայում կարող է խնդիրներ առաջացնել, եւ ստիպել մեզ պահանջել այն, ինչը չենք ցանկանում,- հայտարարեց Նաթիա Թուրնալան:

ԿՈՐՈՆԱՎԻՐՈՒՍ. ԱՇԽԱՐՀՈՒՄ ՎԱՐԱԿԱՍՏՆԵՐԻ ԹԻՎԸ ՄՈՏԵՅԱՎ 111 ՄԻԼԻՈՆԻ ՇԵՄԻՆ

COVID-19 հաստատված դեպքերի թիվն աշխարհում անցել է 110 859 998 միլիոնը: Կորոնավիրուսի հետազոտական կենտրոնների տվյալների համաձայն, մահացածների թիվը գերազանցել է 2 452 926 հազարը: Ապաքինվել է 85 միլիոն 803 818 մարդ:

Վարակվածների թվով աշխարհում առաջին տեղում ԱՄՆ է, որտեղ կա հաստատված 28 523 524 դեպք: Այստեղ մահացածների թիվը 505 309 է: Երկրորդ տեղում Հնդկաստանն է, որտեղ հաստատված դեպքերի թիվը հասել է 10 963 394-ի, մահացածներինը՝ 156 123-ի:

Վարակվածների թվով հաջորդ տեղում Բրազիլիան է: Այստեղ վարակվել է 10 030 626, մահացել՝ 243 610 մարդ: Ռուսաստանում կորոնավիրուսով վարակվել է 4 125 598, վարակի հետեւանքով մահացել՝ 81 926 մարդ: Ռուսաստանին հաջորդում են Մեծ Բրիտանիան, Ֆրանսիան, Իսպանիան, Իտալիան, Թուրքիան ու Գերմանիան:

Հայաստանում, ընդհանուր առմամբ, վարակվածների թիվը հասնում է 170 011-ի, մահացածներինը՝ 3 158-ի, ապաքինվածներինը՝ 161 790-ի:

Աղբյուրներում վարակվածների թիվը կազմում է 232 636 մարդ: Վարակից մահացել է 3 190, ապաքինվել՝ 227 271 մարդ:

Վերջին տվյալներով, Վրաստանում վարակվել է 267 701, մահացել՝ 3 406, ապաքինվել՝ 260 597 մարդ:

Փետրվարի 19-ին կորոնավիրուսով վարակման 388 նոր դեպքերից 182-ը Թբիլիսիում է, Աջարիայում՝ 10, Իմերեթիում՝ 52, Քվեմո Քարթլիում՝ 21, Շիրա Քարթլիում՝ 29, Գուրիայում՝ 25, Սամեգրելո-Ջեմո Սվանեթիում՝ 27, Կախեթիում՝ 25, Սցխեթա-Մթիանեթիում՝ 6, Ռաճա-Լեչխումիում եւ Քվեմո Սվանեթիում՝ 7, Սամցխե-Ջավախեթիում՝ 4:

ԱՄԻՐԱՆ ԳԱՄՐԵԼԻՁԵ. «ԴԻՄԱԿ ԿՐԵԼԸ ԵՐԵՄԱՆԵՐԻ ԱՌՈՂՋՈՒԹՅԱՆ ՎՐԱ ԲԱՅԱՍԱԿԱՆ ԱԶԴԵՅՈՒԹՅՈՒՆ ԶԻ ԳՈՐԾԻ»

Վրաստանի Հիվանդությունների վերահսկման ազգային կենտրոնի ղեկավար Ամիրան Գամդրելիձեն, անդրադառնալով ծնողների մի մասի դիրքորոշմանը, ըստ որի՝ երեխաների համար դիմակ կրելը վտանգավոր է, հայտարարեց, որ դիմակ կրելը երեխաների առողջության վրա բացասական ազդեցություն չի թողնում:

- Գոյություն ունեն բազմաթիվ հետազոտություններ, այդ թվում՝ աշխարհում հանրային առողջության ամենահզոր հաստատության՝ Ամերիկայի հիվանդությունների վերահսկման ազգային կենտրոնի տվյալներով՝ 6 տարեկանից երեխաներին թույլատրվում է դիմակ կրել, եւ դա ոչ մի բացասական ազդեցություն չի թողնում երեխայի առողջության վրա,- ընդգծել է Գամդրելիձեն:

Նրա խոսքով, եթե երեխան ունի որեւէ



հիվանդություն, բժշկի համապատասխան որոշմամբ, կարող է հրաժարվել դիմակ կրելուց:

Հիշեցնենք, որ փետրվարի 15-ից ամբողջ Վրաստանում դպրոցների աշխատանքը վերականգնվել է: Դպրոցի տարածքում 5-12-րդ դասարանների աշակերտների համար դիմակ կրելը պարտադիր է:

ՍՈՒՐԲ ՄԻՆՈՂԸ ՈՂՋՈՒՆՈՒՄ Է ՊԱՏՎԱՍՏՄԱՆ ԿԱՄԱՎՈՐԱԿԱՆ ՍԿՋԲՈՒՆՔԸ

Փետրվարի 14-ին անցկացվեց Վրաստանի Ուղղափառ Առաքելական Եկեղեցու Սուրբ Սինոդի միատր, որի ընթացքում քննարկվեց նաեւ կորոնավիրուսի դեմ պատվաստմանն առնչվող հարցը:

Ընդունած որոշման մեջ նշված է, որ եկեղեցին ճանաչում է, որ առողջությունը մարդու կարելորագույն իրավունքներից մեկն է, ուստի, աջակցում է բոլոր այն քայլերին, որոնք ուղղված են այս իրավունքի պաշտպանությանը եւ չեն հակասում քրիստոնեական բարոյախոսությանը:

«Մենք ողջունում ենք այն փաստը, որ կովիդ պատվաստումների գործընթացը հայտարարվել է կամավոր եւ ոչ՝ պարտադիր: Սա հատկապես կարեւոր է այսօր, երբ պատվաստանյութը նոր է մշակվել, եւ տարբեր երկրների առողջապահական ոլորտի մասնագետները տարբեր կարծիքներ ունեն այդ մասին:

Մենք նշում ենք, որ ցանկացած անձ, անկախ իր սոցիալական կարգավիճակից, հասարակական կամ մասնավոր գործունեությունից, հետապնդումից չպետք է ենթարկվի հալածանքի՝ պատվաստման կամ չպատվաստման համար»,-նշված է Սուրբ Սինոդի որոշման մեջ:

Միաժամանակ, տարածված հայտարարության մեջ ներկայացված են առանձին հարցեր՝ պատվաստանյութի հետ կապված: Մասնավորապես, պատվաստանյութի պատրաստման տեխնոլոգիայի, հնարավոր բարդությունների, կենսաթիվական նորմերի պահպանման եւ այլնի մասին:

Էջը պատրաստեց ՅՈՒՐԻ ԽՈՐԵՆՅԱՆԸ



առանց լիմիտի բջջային համացանց Մագթիից



**օրուգիշեր՝
1 լարիով**

***243# OK**

**ողջ շաբաթ՝
5 լարիով**

***157# OK**

MYMAGTI
ապլիկացիա

Կապվե՛ք՝ 11 00 11 - բջջային ցանցով,
032 217 00 00 - ցանկացած ցանցով
Մագթիկումի ցանցով
հեռախոսազանգը անվճար է:

www.magticom.ge

ՀԱՅԱՍՏԱՆ - ԱՐՅԱԽ. Փաստեր, իրադարձություններ

«ՎՐԱՍՏԱՆԻ», ԱՐՄԵՆԴՐԵՍԻ, ՊԱՆԱՐՄԵՆԻԱՆԻ ԵՎ ԿԱՎԱԶԴՐԵՍԻ ՆՅՈՒԹԵՐՈՎ

ՏՆՏԵՍՈՒԹՅԱՆ ՀԵՏԳՆԱԺԱՄԱՅԻՆ ՎԵՐԱԿԱՆԳՆՈՒՄ ԸՆԹԱՑՔԻ ՄԵՋ Է

Փետրվարի 19-ին, Հայաստանի վարչապետ Նիկոլ Փաշինյանի նախագահությամբ, անցկացվեց երկրի կառավարության հերթական նիստը, որտեղ քննարկվեցին տնտեսական ակտիվության ցուցանիշները:



Ինչպես նշեց վարչապետը, Հայաստանի տնտեսությունը հետձգնաժամային վերականգնման առաջին նշաններն է ցուցադրում: Փետրվար ամսվա առաջին 15 օրերի տվ-

յալներով, երկրում հսկիչ դրամարկային կտրոններով եւ հաշվարկային փաստաթղթերով արձանագրվել է 604 հազար գործարքով ավելի, քան նախորդ տարվա փետրվարի առաջին 15 օրերին, իսկ դրամաշրջանառությունը, նախորդ տարվա փետրվարի առաջին 15 օրերի համեմատ, աճել է 12 տոկոսով կամ շուրջ 31.4 մլրդ դրամով:

Նիկոլ Փաշինյանի խոսքով, մեծագույն խնդիրներից մեկը սպառման ծավալների էական անկումն էր, եւ սրանով կարող են հույս ունենալ, որ սպառման ծավալները կվերականգնվեն, ինչը զարգացման կարելու նախադրյալ է: Վարչապետի հավաստմամբ, նույնիսկ կայուն վիճակում կառավարությունը չի դադարեցնում տնտեսությանն աջակցելը:

Կառավարության որոշմամբ՝ 954 մլն դրամ կուղղվի 2020-ին ընդունած մի շարք որոշումներով ստանձնած պարտավորությունների կատարմանը:

ՔՆՆԱՐԿՎԵՑԻՆ ՀԱՄԱԳՈՐԾԱԿՑՈՒԹՅԱՆ ՀԵՌԱՆԿԱՐԱՅԻՆ ՈՒՂՈՒԹՅՈՒՆՆԵՐԸ

Փետրվարի 17-ին Հայաստանի նախագահ Արմեն Սարգսյանը հանդիպում ունեցավ աշխատանքային այցով Երեւանում գտնվող Միացյալ Թագավորության արտաքին գործերի, համագործակցության եւ զարգացման նախարարության եվրոպական հարեւանության եւ Ամերիկայի հարցերով նախարար Ուենդի Մորթոնի հետ:

Հանդիպմանը նշվեց, որ երկու երկրները փոխգործակցության զարգացման մեծ ներուժ ունեն: Անդրադարձ եղավ արցախյան պատերազմից հետո ստեղծված իրավիճակին եւ տարածաշրջանում անվտանգության ու կայունության հարցերին: Երկուստեք կարելուով եւ ԵԱՀԿ Մինսկի խմբի համանախագահության դերը՝ դարաբաղյան հիմնախնդրի վերջնական եւ տեւական կարգա-

վորման հարցում:

Հանդիպմանը խոսեցին նաեւ կորոնավիրուսի համավարակի հետ կապված իրավիճակի, համավարակի կանխարգելման ու տարածման ուղղությանը երկու երկրների համագործակցության մասին: Հեռանկարային համարվեց նաեւ համագործակցությունը տեղեկատվական եւ բարձր տեխնոլո-



գիաների, արհեստական բանականության, առողջապահության, գիտության ու կրթության, էներգետիկայի եւ մի շարք այլ ոլորտներում: Կարելուով է նաեւ փոխգործակցությունը կլիմայի փոփոխությունների դեմ պայքարում:

ՀԱՅԱՍՏԱՆԸ ՀԱՎԱՆՈՒԹՅՈՒՆ ՏՎԵՑ ԵՐԿՐՈՒՄ SPUTNIK-V, ASTRAZENECA ԵՎ PFIZER ՊԱՏՎԱՍՏԱՆՅՈՒԹԵՐԻ ԿԻՐԱՌՄԱՆԸ



Հայաստանում կորոնավիրուսի դեմ պատվաստումները նախատեսվում է սկսել մարտին:

Այդ մասին կառավարության նիստից հետո՝ լրագրողների հետ զրույցում նշեց Առողջապահության նախարար Անահիտ Ավանեսյանը՝ ավել-

պատվաստանյութը մյուս քաղաքացիների համար, դեռ հայտնի չէ, - ասել է նախարարը:

Անահիտ Ավանեսյանի խոսքով, կառավարությունը կներմուծի միայն այն պատվաստանյութերը, որոնք հաջողությամբ անցել են կլինիկական փորձարկումների երրորդ փուլը:

- Մասնագետների խումբը կգնահատի դրանց արդյունավետությունը, կողմնակի ազդեցությունների ռիսկը, արժեքն ու կտա իր եզրակացությունը դրանց օգտագործման նպատակահարմարության մասին: Մինչ այժմ մասնագիտական հանձնաժողովը, փորձագետները, դիտարկել են AstraZeneca-ի եւ Pfizer-ի, ինչպես նաեւ ռուսական Sputnik-ի պատվաստանյութերի օգտագործումը: Միայն Pfizer-ի մատվ ջերմային ռեժիմի ապահովման հետ կապված հարցեր կան, որոնք պետք է կարգավորվեն: Իսկ Հայաստանի կողմից ներմուծվող պատվաստանյութերի քանակը կախված կլինի մի քանի գործոնից, այդ թվում՝ դրանց արժեքից ու նրանից, թե որքան գումար կարող է պետությունը հատկացնել դրա համար, - ընդգծել է նա:

ԱՄՓՈՓՎԵՑ «ՀԱՅԿԱԿԱՆ ԱՎԱՆԴԱԿԱՆ ՆՎԱԳԱՐԱՆՆԵՐԻ ՊԱՏՐԱՍՏՄԱՆ ՈՒՍՈՒՑՄԱՆ» ԾՐԱԳԻՐԸ

Հայաստանի կրթության, գիտության, մշակույթի եւ սպորտի նախարարության աջակցությամբ եւ «Մշակութային կրթության աջակցության» հիմնադրամի նախաձեռնությամբ, իրականացվող «Հայկական ավանդական նվագարանների պատրաստման ուսուցման» ծրագիրն ունի երեք տարվա շարունակականություն: Այն ուղղված է լարային եւ փողային (շվի, դուդուկ, զուռնա, սրինգ), եւ ժողովրդական-լարային (թառ, քանոն, քամանչա, ուղ) նվագարանների պատրաստման գիտելիքների եւ ունակությունների ձեռքբերմանը:

Ծրագրի շրջանակում փորձառու վարպետ նվագարանագործներ Միխայիլ եւ Սերգեյ Սադոնները, նվագարանագործության խմբերից մեկում, աշակերտներին ուսուցանել են լարային նվագարանների պատրաստման, վնասված մասերի վերանորոգման եւ վերականգնման հմտություններ, ինչպես նա-

եւ տվյալ ընտանիքի նվագարանին անհրաժեշտ բնական հումքի տեսակների փայտամշակման գաղտնիքները, փայտի չորացման եւ առանձին դետալների պատրաստման գործընթացը (դուդուկի, շվիի, զուռնայի դամիշներ, պիպիչներ եւ այլն): Աշակերտների մյուս խմբում ուսուցանվել են քա-

նոնի, քամանչայի եւ թառի համեմատաբար պարզ մասերի, գործիքի կմախքների եւ առանձին դետալների (միդիատորներ, հենակներ, ականջներ) պատրաստման, նվագարանների վերանորոգման հմտություններ:

«Հայկական ավանդական նվագարանների պատրաստման ուսուցման» ծրագիրը կարելուով է ոչ նյութական մշակութային ժառանգության բնագավառներից մեկի՝ ազգային նվագարանագործության կենսունակության ապահովմամբ, ինչպես նաեւ այդ արվեստի գիտելիքների ու հմտությունների բնականոն փոխանցման խթանմամբ:

ԿԱՅԱՑԱԿ ՆԻԿՈՒ ՕՍԵՐՆՅԱՆ ՎԱՐՊԵՐ ՊՈՒՏԻՆ ՇԵՆԱԽՈՍԱԶՐՈՒՅՑԸ

Փետրվարի 17-ին Հայաստանի վարչապետ Նիկոլ Փաշինյանը հեռախոսազրույց ունեցավ Ռուսաստանի Դաշնության նախագահ Վլադիմիր Պուտինի հետ: Կողմերը քննարկեցին 2020 թվականի նոյեմբերի 9-ի համադրող հայտարարության կետերի իրականացման ընթացքը: Մասնավորապես, ընդգծվեց ռազմագերիների, պատանդների եւ պահվող այլ անչանց շուրափույթ վերադարձի կարելությունը: Հայկական կողմը մտահոգություն հայտնեց, որ Ադրբեյջանը լիարժեք չի կատարում համադրող հայտարարության պայմանները: Քննարկվեցին նաեւ Հայաստանի եւ Ռուսաստանի միջեւ երկկողմ համագործակցության օրակարգի հարցերը եւ դաշնակցային փոխգործակցության հետագա զարգացման ուղիները:

ՓՅՈՒՄԵՐՆԵՐԸ ՀԱՅՏԵՐԻՆ ԻՐԵՆՑ ԱԶԱՅՈՒԹՅՈՒՆԸ

Փետրվարի 17-ին Գյումրի-Երեւան ճանապարհին Մաստարայում, Աշնակում, Ներքին Բազմաբերդում եւ Ուջանում քաղաքացիները կանգնեցին վարչապետի շարասյունը եւ իրենց աջակցությունը հայտնեցին կառավարության դեկավարին: Այս մասին ֆեյսբուքյան իր էջում գրել է Հայաստանի վարչապետի մամուլի խոսնակ Մանե Գեւորգյանը՝ հրապարակելով լուսանկարներ:

Թեմայի վերաբերյալ ֆեյսբուքյան իր էջում գրառում է արել նաեւ ՀՀ վարչապետի օգնական Նաիրի Սարգսյանը:

«Գյումրիից Երեւան վերադառնալիս երեք անգամ ժողովուրդը կանգնեցրեց մեքենաների շարասյունը, որ վարչապետին հայրենի իր աջակցությունը: Հիմնական ասելիքն էր՝ թավիշը վերապրեք»,- գրել է Սարգսյանը:

ՖԻՆԱՆՍԱԿԱՆ ԱԶԱՅՈՒԹՅՈՒՆ ՇԱՊՈՒՆԱՅԻՑ

Հապոնիայի կառավարությունը փետրվարի 16-ին որոշում է կայացրել 3.6 մլն ԱՄՆ դոլարի օգնություն փրամադրել Հայաստանին՝ Լեռնային Ղարաբաղի պայքարագլխից հետո հումանիտար ձգնաժամի հաղթահարման նպատակով:

Աջակցությունը կտրամադրվի բնակչության կենսամակարդակի բարելավման, ապաստարանների վերանորոգման եւ բժշկական վերազինման նպատակով, ինչպես նաեւ օգնություն կտրամադրվի ՄԱԿ-ի Փախստականների հարցերով գերազույն հանցանակարարի գրասենյակի (UNHCR), ՄԱԿ-ի Մանկական հիմնադրամի (UNICEF), Միգրացիայի միջազգային կազմակերպության (IOM), Պարենի համաշխարհային ծրագրի (WFP) եւ Կարմիր խաչի միջազգային կազմակերպության (ICRC) միջոցով:

ԵՐԿՐԱՆԱԳՐԻ ԷՊԻԴԵՄԻԱՆԵՐԸ՝ ԵՐԵՎԱՆԻ ՄՈՏԱՎԱՅՈՒՄ

Հայաստանի արտակարգ իրավիճակների նախարարության սեյսմիկ պաշտպանության փարածքային ծառայության սեյսմոլոգիական ցանցի կողմից, փետրվարի 13-ին, տեղական ժամանակով ժամը 15:29-ին գրանցվել է Երեւան քաղաքից 8 կմ հարավ-արեւելք, օջախի 10 կմ խորությամբ 4.7 մագնիտուդով երկրաշարժ: Էպիկենտրոնային գոտում սպորադիկալ ցնցման ուժգնությունը կազմել է 6-7 բալ: Երկրաշարժը զգացվել է Երեւան քաղաքում 5-6 բալ ուժգնությամբ, Արագածոտնի, Արարատի, Շիրակի, Արմավիրի, Վայոց ձորի մարզերում՝ 3-4 բալ ուժգնությամբ: Փետրվարի լույս 14-ի գիշերը կրկին երկրաշարժ է գրանցվել՝ Երեւան քաղաքից 13 կմ հարավ-արեւմուտք, օջախի 10 կմ խորությամբ 2.4 մագնիտուդով երկրաշարժ: Էպիկենտրոնային գոտում սպորադիկալ ցնցման ուժգնությունը կազմել է 3 բալ:

ԵԿԵՂԵՑԱԿԱՆ

ՓԵՏՐՎԱՐ

21.02.2021
Արտաքսման կի-

րակի

սաղեմի Հայրապետի, Կյուրեղ եպիս-
կոպոսի եւ մրա մոր՝ Աննայի հիշա-
տակության օր

27.02.2021 Սուրբ Կյուրեղ երու-

28.02.2021 Անառակի կիրակի

ՄՊՈՐՏ

ՎՐԱՍՏԱՆ - ՌՈՒՍԱՍՏԱՆ 16:7
ԵՐԿՐԻ ՀԱՎԱՔԱԿԱՆԸ՝ ՌԵԳԲԻԻ
ԵՎՐՈՊԱՅԻ ԳԱՎԱԾԱԿԻՐ

Վրաստանի ռեգբիի հավաքականը 2019-2020 թվականների «Ռեգբի Եվրոպայի առաջնության» վերջին տուրում սեփական հարկի տակ ընդունեց Ռուսաստանի ընտրանուն: Նշենք, որ հաշվետու հանդիպումը կայանալու էր



Մախոթ տարվա գարնան սկզբին, սակայն հետաձգվեց կորոնավիրուսի համավարակի պատճառով եւ կայացավ Թբիլիսիում փետրվարի 12-ին:

Սկզբունքային նշանակության այս հանդիպումը՝ 16:7 հաշվով շահեցին վրաց ռեգբիստները եւ նվաճեցին պատվավոր գավաթը:

ՎԻԼԻ ՍԱՆՅՈՒԸ՝ ՎՐԱՍՏԱՆԻ
ՖՈՒՏԲՈՒԼԻ ՀԱՎԱՔԱԿԱՆԻ ՄԱՐԶԻՉ

Վրաստանի ֆուտբոլի ֆեդերացիայի գործադիր կոմիտեի որոշմամբ, Վրաստանի ֆուտբոլի ազգային հավաքականի մոր գլխավոր մարզիչ է դարձել ֆրանսիացի Վիլի Սանյոլը:

Նշենք, որ երկրի ազգային ընտրանին շուրջ երեք ամիս չունեց գլխավոր մարզիչ: Նոյեմբերի 12-ին, Եվրո-2020-ի փլեյ-օֆֆի եզրափակչում Մակեդոնիայի մոտ պարտվելուց հետո (0:1), սլովակ Վլադիմիր Վայսը հրաժարական տվեց, որից հետո թափուր մնաց գլխավոր մարզչի պաշտոնը:

Նոր գլխավոր մարզիչը պետք է նախապատրաստի հավաքականին՝ աշխարհի գավաթի ընտրական փուլի խաղերին. մարտի 25-ին մեր թիմը կմեկնի Շվեդիա, մարտի 28-ին «Դինամո Արեմայուն» կհյուրընկալի Իսպանիային, իսկ մարտի 31-ին կմեկնի Հունաստան:

ԵՂԱՆԱԿ

ՄԻՆՉԵՎ ՓԵՏՐՎԱՐԻ 26-Ը ՄՊԱՍՎՈՒՄ ԵՆ ՍԱՌՆԱՄԱՆԻՔՆԵՐ

Օղերեւութաբանների կանխագծումներով, Վրաստանում մինչեւ փետրվարի 26-ը ներառյալ, սպասվում է ուժեղ քամի եւ սառնամանիք:

Բնապահպանության ազգային գործակալության տեղեկատվությամբ, փետրվարի 20-ին սպասվում է փոփոխական ամպամածություն, թույլ ձյուն, գիշերը՝ -13, -15, ցերեկը՝ -5, -7 աստիճան ցուրտ: Փետրվարի 21-ի գիշերը՝ -16, -18, ցերեկը՝ -3, -5 աստիճան: Փետրվարի 22-24-ին փոփոխական ամպամածություն, թույլ ձյուն, քամի, գիշերը՝ -14, -16, ցերեկը՝ -2, -4 աստիճան: Ինչ վերաբերում է փետրվարի 25-26-ին, ապա, օղերեւութաբանների կանխատեսմամբ սպասվում է ամպամածություն, ձյուն, ուժեղ քամի, գիշերը՝ -11, -13, ցերեկը՝ 0, -2 աստիճան ցուրտ:

ՄՊԱՍՈՐԿՄԱՆ ԳՈՐԾԱԿԱՆՈՒԹՅՈՒՆ

ՓԵՏՐՎԱՐԻ 17-ԻՑ ՆԵՐՔԻՆ ԳՈՐԾԵՐԻ ԲՈԼՈՐ ՏԵՍԱԿԻ
ԾԱՌԱՅՈՒԹՅՈՒՆՆԵՐԸ ՎԵՐԱԿԱՆԳՆՎԵՑԻՆ

Ներքին գործերի նախարարության սպասարկման գործակալությունում, փետրվարի 17-ից, Վրաստանի տարածքով վերսկսեցին գործել «Կովիդ 19»-ով պայմանավորված սահմանափակված բոլոր ծառայությունները:

Փետրվարի 17-ից արդեն հնարավոր է վարորդական իրավունք ստանալու տեսական եւ գործնական քննությունների հանձնումը: Բացի այդ, ամբողջությամբ վերականգնվեցին զենքի գրանցման հետ կապված ընթացակարգերը: Հետաքրքրված անձինք կկարողանան հանձնել հրազենի գրանցման թույլտվության թեստ:

Ինչ վերաբերում է սպասարկման գործակալության կողմից տրամադրվող վկայականներին, ապա դրանք հնարավոր կլինի ստանալ տեղում, սպասարկման կենտրոններում, ինչպես նաեւ էլեկտրոնային եղանակով, տվյալների սուբյեկտի կողմից՝ Ծառայությունների գործակալության կայքով (sagov.ge): Էլեկտրոնային հարցման հիման վրա

պատրաստված փաստաթղթերը կտրամադրվեն լրացման ընթացքում նշված կառուցվածքային կարգով:

Սպասարկման գործակալությունը, քաղաքացիների անվտանգությունն ապահովելու համար, ամբողջությամբ հաշվի է առնում, Վրաստանի կառավարության միջգերատեսչական համակարգող խորհրդի հանձնարարականները: Գործակալությունը քաղաքացիներին հորդորում է եւս մեկ անգամ ծառայություններ ստանալու նպատակով գալ պաշտպանիչ դիմակներով:

ՕՏԱՐԵՐԿՐՅԱՆ ՊԵՏՐՎԱՐԱՆԻՇԵՐՈՎ ՄԵՔԵՆԱՆԵՐԸ
ՊԵՏՔ Է ԱՆՑՆԵՆ ՀԱՇՎԱՌՈՒՄ

Եթե 2021 թվականի ապրիլի 1-ին լրանում է օտարերկրյա քաղաքացու սահմանը հատելու մեկ տարին, անձը չի կարող հատել սահմանը:

Այլ երկրի պետական քաղաքացիներով մեքենաները, եթե սահմանը հատելուց 90 օր անց երկիրը չեն լքել, ապա՝ կան պետք է լքեն երկիրը, կան ժամանակավոր հաշվառում անցնեն:

Օտարերկրյա քաղաքացիություն ունեցող անձը, որպեսզի կարողանա ազատ տեղաշարժվել Վրաստանի տարածքում, մեքենան պետք է կանգնեցնի հաշվառման երեք տարով: Այնուհետեւ, մեքենան կստուգվի հատուկ մասնագետների կողմից,

ապա օտարերկրյա քաղաքացուն ժամանակավոր վրացական պետական արանիշ եւ մեքենայի տեխնիկական վկայական կտրվի: Այս գոր-

ծողությունն իրականացնում է Վրաստանի եկամուտների ծառայությունը:

Հակառակ դեպքում, օտարերկրյա քաղաքացին կտուգանվի՝ օրական 50 լարիի չափով:

Այս արտոնությունը տրվում է կորոնավիրուսով պայմանավորված իրավիճակից ելնելով եւ, թե որքան ժամանակով կերկարաձգվի, դեռ անորոշ է:

Խոժոռնու հանրային դպրոցի ուսուցչական կոլեկտիվը խոր կսկիծով իր ցավակցությունն է հայտնում դպրոցի նախկին ուսուցչուհի՝

Լուսիկ Ասատուրի ԱՍԼԻԿՅԱՆԻ

մահվան կապակցությամբ եւ վշտակցում հարազատներին ու մերձավորներին:



Խ Ա Չ Բ Ա Ո

ՀՈՐԻՅՈՆԱԿԱՆ. 7.Կատալոնացի նկարիչ եւ քանդակագործ: 8.Այնպիսի (արեւմտ.): 9.Յունական դիմաստիպից հետո Չինաստանը կառավարող դինաստիան (1368-1644թթ): 10.Երգչուհի Այոնա ...: 13.Որեւէ բանի ընդհանուր քանակությունը: 18.Հոնիկ իշխանի տիտղոս: 19.Խատուտիկ, պուտպուտ: 22.Ֆրանսիացի քաղաքական գործիչ, Ֆրանսիայի նախկին նախագահ ժակ ...: 23.Խաղաղության խորհրդանիշ թռչուն: 28.Վաղեմի, հին: 29.Եգիպտոս: 32.Կրաքարի, կավճի եւ կարբոնատային այլ ապարների թրծումից ու հետագա վերամշակումից ստացվող արտադրանք: 33.Բարձր ազնվականության ժառանգական տիտղոս Անգլիայում: 34.Ապավեն, պաշտպան: 37.Օժանդակ բայ: 39.Գործվածքի տեսակ: 41.Նորվեգացի ճանապարհորդ, հետախույզ ... Ամունդսեն: 44.Կտորի «մշակումը» նախքան կարելը: 46.Եստոնացի գրող ... Պիլդյան: 47.Պայտ: 49.Չկան տեսակ: 50.Գինեմատակարար, տակառապետ: 52.Ցաք ու ...: 54.Նստաշրջան: 55.Խորթ մայր, մայրացու: 56.Ֆրանսիացի գրող ... ղը Մոպսան: 57.Խակ, չիասած: 58.Վրացի ժամանակակից էստրադային երգչուհի ... Շուրոմուխա:

ՈՐԿԱՆԻՅԱՆ. 1.Վրաստանի ժողովրդական արտիստ, ռոմաններ թագուհի ... Բրեզվան: 2.Կրաք շախմատիստուհի, աշխարհի չեմպիոն ... Գաբրիելա Վալիկ: 3.Լեռ Վրաստանում, Կովկասյան բարձրավանդակի վրա: 4.Չափածո ստեղծագործության հնչյունային

ծեւավորման հիմնական կողմերից մեկը: 5.Հունական այբուբենի տառ: 6.Ճապոնացի ռեժիսոր ...Կուրոսավա: 11.Լատվիացի հանրաճանաչ երգահան Վալդիս ...: 12.Փարիզյան տաճար ...-Դան դե Պարի: 14.Չկնորսի ցանց: 15.Ֆրանսիացի դերասանուհի Իզաբել ...: 16.Հրեական զինամթերք: 17.Գետ ՌԴ-ում: 20.Իտալական ռեստորան Թբիլիսիում: 21.Բրիտանական հանրաճանաչ գրող Օսկար ...: 24.Քաղաք պատմական Արեւմտյան Հայաստանում: 25.Նիհար, լղար: 26.Իսպանացի ֆուտբոլիստ, դարպասապահ ... Կասիլյաս: 27.Կղզի Ալեուտյան կղզիների արեւմուտքում Ամերիկայի կղզեխմբում (արշիպելագում): 30.Ամերիկացի բռնցքամարտի աշխարհի չեմպիոն Կասիուս ...: 31.Տեսնում են քնի մեջ: 35.Ատան: 36.Ամերիկացի նկարչուհի Ագնես Դին...: 37.Թիկլոնի կողմը: 38.Քիմիայի մասնագետ: 40.Հին հունական դիցաբանությունում տիտան, որն իր ուսերին պահում էր երկնական մարը: 42.Արու գավակ: 43.Մերձբալթյան պետություն: 44.Ստեփան Զորյանի պատմվածքներից՝ «... գիշեր»: 45.Արաք գրող եւ գորավար... Իբն Մուսկի: 48.Բառ, որ գործածվում է որպես դրական պատասխանի եւ համաձայնության արտահայտություն Հին եւ Նոր Կտակարաններում: 51.Ահա՝ ըստ գյուրեթու: 52.Երկկնդակավոր կենդանի: 53.Ամերիկյան ավտոմեքենա:

Կազմեց Կազմեց ԷԼԼԱ ԱՍՏԱՆԿՅԱՆԸ

ՆԱԽՈՐԴ ՀԱՄԱՐԻ ԽԱՉԲԱՌԻ ՊԱՏԱՍԽԱՆՆԵՐԸ

ՀՈՐԻՅՈՆԱԿԱՆ. 1.Դադիվանք: 5.Ձուրապ: 8.Որա: 10.Սարազ: 11.Արեմի: 12.Պահ: 14.Կի: 15.Սեդա: 16.Արի: 17.Օձ: 18.Ար: 19.Դսեղ: 20.Արամե: 22.Յո: 24.Ցավ: 26.Կրիկ: 27.Ախալցիխե: 31.Ակամա: 33.Նեսա: 34.Նորք: 36.Բեմ: 37.Կիսատ: 38.Ամ: 39.Իմ: 40.Անսալ: 43.Նինա: 44.Ստաս: 45.Եղանակ: 46.Տող: 47.Հոն: 49.Բարաք: 51.Ավո: 52.Իսան: 54.Աշուն: 55.Տուտ: 56.Սակոնո:

ՈՐԿԱՆԻՅԱՆ. 1.Դեմիրյան: 2.Դերձակ: 3.Վագրի: 4.Քորիձե: 5.Ձանգ: 6.Րոպե: 7.Պահարե: 9.Րե: 11.Ակոս: 13.Ադամ: 15.Սերիկ: 19.Դվին: 20.Արաք: 21.Ակադեմիկոս: 23.Ոխերին: 24.Ցլամարտ: 25.Ագ: 28.Ասես: 29.Խորեն: 30.Եր: 32.Արական: 35.Քասաղ: 37.Կիկաթիձե: 38.Անահիտ: 40.Աստ: 41.Սեդան: 42.Լակոտա: 44.Սարդ: 48.Նա: 50.Թանկ: 53.ՆԱՍՕ:

Գլխավոր խմբագիր՝ ՎԱՆ ԲԱՅԲՈՒՐԹՅԱՆ

Գլխ. խմբագրի տեղակալ՝ ՅՈՒՐԻ ՊՈՂՈՍՅԱՆ

Համարի պատասխանատու՝ ԳԱՅԱՆԵ ԲՈՍՏԱՆՋՅԱՆ

Համակարգչային ծեւավորումը՝ ՏԻԳՐԱՆ ՍԻՐԱԴԵՂՅԱՆ

ԲՅՅԵՈ ՅՈՆԱՅՅԵՄՈ: ՄԺԾԼՕՆԵ 0105, ՃԱՄԲԵՅԼՕՆ ԺՅԻՃ 5.
Մեր հասցեն Թբիլիսի 0105 Գ.Աթոնելի փ. 5
ԾՅԼ. Հեռ. 2990-739, 2990-774
www.vrastan.ge E-mail: vrastan.press@gmail.com
Գրանցման վկայական № 4 Կ - 1439
«ԿՈՆՈՐ» հրատարակչություն

«ՅՐԱՆԵՅՈՆ»
ՄԺԾԼՕՆԵ, ՆԱՅԻՅԵՄԵՄԼՕ
“ВРАСТАН”
Тбилиси, Грузия
«VRASTAN»
Georgia, Tbilisi
Индекс 66445